



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 142. Condæus Princeps morti adjudicatus.

[urn:nbn:de:hbz:466:1-66800](#)

Sæcul. XVI.
A.C. 1560.

§. CXLII.

Condæus Princeps morti adjudicatus.

Thuan. l. c.

Nihilominus conquisitis undique testibus accusatio contra Condæum Principem urgebatur, qui etiam tandem plene confectis judicii actis ad Regis Senatum adducitur, ad quem ab octodecim militaris Ordinis Equitibus, nonnullis Franciæ Paribus, ac quibusdam Præsidibus, supplicumque libellorum Magistris, & Senatoribus vocabatur, atque ab iis accedente plurimorum suffragio ad mortem condemnabatur, hancque sententiam, ut fertur, unaomnes ratam habebant, exceptis Cancellario, & Monterio inducias eidem concedi postulante, & Ludovico Beallio, Sanceræ Comite, qui chirographum suum apponere renuebat. Hanc in rem Thuanus hæc scriptis tradidit: *Propofitum quidem decretum, sed non subscriptum crediderim, & ita longo tempore narrare solitum parentem meum memini, veraci, & sincero ingenio virum, cui semper præcipitatus ordo ille judicij displicuerat, qui & hoc addebat, se Condæi clientibus pro ipso postulantibus id consilii dedisse, ut ad Regem, & Senatum, hoc est Patriorum curiam provocaret, se vero ac citros delegatos tanquam suspectos rejiceret, quo adempta delegatis judicibus cognitione*

ref

res integra ad Senatum remitteretur. Ve- Sæcul. XVI.
rum utut res se habuerit, id pro com- A.C. 1560.
perto habemus, quod mortis sententia
fuerit adornata: illius vero promulga-
tio, atque executio per sacratioris Con-
siliī authoritatem firmanda, fuerit di-
lata, usquedum Montmorantius Con-
nestabilis, qui hanc ob rem advocatus,
ac Cantillia profectus jamjam iter ag-
grediebatur, advenisset; agebatur enim
de eo pariter custodiæ dando, eoquod
illum in idem cum Condæo crimen per-
trahere studerent: Verum Connestabi-
lis de hoc consilio admonitus, in iti-
nere substituit, atque Aureliam venire
renuit, nisi prius de hujus negotii exitu
certior fieret.

§. CXLIII.

*Rex morbo correptus, atque a Me-
dicis derelictus.*

Cum Aulæ Proceres in hisce comi- Thuan. l. 26.
tiis Connestabilem Montmorentium
præsentem magis vererentur, minus
vero ejus adventum peroptarent, hinc
nequaquam illum, ut iter acceleraret,
urgebant: interea pridie, ut fertur, ante
diem, in qua mortis sententia proxime
execuenda adversus Condæum Princi-
pem ferebatur, Franciscus II. Gallia-
rum Rex morbo correptus est; quippe
die sexta Novembris, cum ad vena-
tionem progressurus esset, repentinis,

Hist. Eccles. Tom. XLIII. Kk iis